

37

9112 / 7134

24

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
JUN 26 1933

5353



劔南詩彙目錄

卷第六十三

秋雨

江村

二首

山行

天王寺

迪上人

房五十年前友人王仲信同題名尚在

東窗偶書

二首

乙丑七月二十九日夜分

夢一士友風度甚高一見如宿昔出詩文

數紙語皆簡淡可愛讀未終而覺作長句

記之

示子適

小雨

舟中作

二首

漁

父首二讀書示子適秋夕中醉中錄近

詩因題後卷貧甚戲作絕句首八自傲

首二雨後極涼其醉題其秋感鼠敗書

秋望秋夕出遊病中戲詠書

喜春畊秋思絕句首六秋興寓歎

北窗閒息秋光秋夜息南鄭軍

中湖上讀王摩詰詩愛其散髮晚未

簪道書行尚把之句因用為韻賦古風十

首亦皆物外事也夢行益昌道中有賦

自規幽興記前輩語貧居即事

首六自詠枕上作秋曉聞禽聲五韻

對酒首二示鄰里重示雨夜起行

室中閏月辛酉壬戌連日風雨癸亥早

晴秋思首二閒遊首三對鏡幽居書

事首二偶與客話峽中舊遊讀老子次

前韻作籬寓歎衡門感舊客中

作讀書示子適老懷沉緜遊近

村二首小亭記夢二首

劔南詩彙目錄 卷六十一 三終

劔南詩彙卷第六十三

哈佛大學漢和圖書館珍藏印

秋雨

老火阻餘威賴此一雨洗一雨豈遽涼涼亦自
此始陂湖菱芡熟小市新酒美行歌多醉人驩
意溢閭里懸知婁豐年絲穀賤如水呼兒具筆
牘作詩識吾喜

江村

江村一雨喜塵清隱隱雷車意未平莽蒼郊原

來暮色颼颼林壑起秋聲書帙簡古終難近詩
慕雄渾苦未成白首愈悲知我少從今一技不
須名

又

誤著儒冠不更論白頭且喜臥江村林深棲鳥
逐更噪埭近過舟終夜喧病起日惟翻斷簡愁
來時亦倒清尊自嫌未絕知聞處尚有僧敲月
下門

山行

南出柴門卽是山青鞵踏破白雲間旋償酒券
何時足罷諾僧碑盡日閑三尺古琴餘爨迹一
枝禪杖帶湘斑吾廬北望雲煙裏又伴紛紛宿
鳥還

天王寺迪上人房五十年前友人王仲信
同題名尚在

綠遶青圍古會稽城東河上古招提己公茅屋

曾遊處渭北山人半醉題暫憩不妨停画楫幽
尋還得杖青藜舊人死盡惟殘屋竹密雲深步
步迷

東窗偶書

東窗終日靜悵悵消盡平生幻妄心秋氣未催
羣木脫老懷先感百蟲吟屏風疊邃思廬阜冠
子峰高憶少林安得吾身且強健一藤隨處更

幽尋

又

萬事何曾有速淹熊蹯魚腹自難兼山川置掌
猶能取日月無膠可得黏稚子幸堪持几杖老
生元自慣壘鹽清晨臨鏡還三歎雪領今年無
處添

乙丑七月二十九日夜分夢一士友風度
甚高一見如宿管出詩文數紙語皆簡淡
可愛讀未終而覺作長句記之

客中得友絕清真蓋未傾時意已親枕冷不知
清夜夢眼明喜見老成人河傾斗落三傳漏霧
散雲歸兩幻身心亦了然知是妄覺來未免一
酸辛

示子適

翁老兒窮不自支此心幸與古人期勞兼薪水
奴初去典到琴書事可知藥杵無聲工忍病米
困可歸恥言飢餘年有幾須相守萬里煙霄付

巽時

小雨

赤日炎熇勢未回川雲忽起亦佳哉鴨衝細雨
橋陰出蝶弄微風草際來檉柳不禁朝暮久芙
蕖猶有二三開一年光景煩君看何怪昆池有
劫灰

舟中作

遠蔭作帆三版船漁燈夜泊閭門邊煙波四萬

八千頃造物推排作水仙

又

山蔬藥苗滿箸香超然下視太官羊更憑語與
劉文叔豆鬻從來味最長

漁父

食簞雖薄尚羹藜且喜今朝酒價低一櫂每隨
潮上下數家相望埭東西團團箬笠偏宜雨策
策芒鞋不怕泥應笑漆園多事在本來無物更

誰齊

又

數十年來一短蓑死期未到且婆娑敲門賒酒
常酣醉舉網無魚亦浩歌片月又生紅蓼岸孤
舟常占白鷗波人間各自生生涯別文叔君房媿
汝多

讀書示子適

時子適
方敗舉

我生無它營半世隨宦牒讒波方替天憂與愁

相接中間稍自覺萬事付馬曹告歸幸見聽泊
與淡相遭日晏突無煙垢面有爪痕讀書則未
置可笑習氣存造物哀其窮畀之大耳兒兒亦
好古學乃不售有司謂當竄瑟縮乃如鶴昂藏
父子共薄飯忍飢講虞唐豐凶有常數蔗藜當
自力古言不吾欺歲晚於汝食

秋夕

西山樵路隔重雲溪水微風起穀紋暑退忽驚
秋漸晚夜長已與書中分孤蔣入饌渾家喜
砢催寒竝舍聞新作篝燈學僧樣與兒同策讀
書勳

醉中錄近詩因題卷後

鵝兒色淺酒醺人雞距鋒圓筆絕倫滿引一盃
書數紙要知林下有閑身

貧甚戲作絕句

俸祿無餘退卽畊市人指笑太清生從今惜取

青鞵底祗向雲邊水際行

又

處窮上策更誰如日晏猶眠為腹虛

飢則臥不起貧者之

也常尚闕鄰僧分供米敢煩地主送園蔬

又

貸米東村待不回鉢盂過午未曾開飢腸雷動尋常事但誤生臺兩鶴來

又

北坐孤坐破三更庭戶無人有月明數種衿襦秋未贖羨他鄰巷搗衣聲

又

竈突無煙甑有塵頽垣破屋越溪濱老鰥狂怪誰嗔責日日行歌獨賣薪

又

行徧天涯等斷蓬作詩博得一生窮可憐老境蕭蕭夢常在荒山破驛中

又

讀書但覺慙輪扁補吏非能去箭張白髮歸爲
林下叟固應飢不饜糟糠

又

糴米歸遲午未炊家人竊閔乃翁飢不知弄筆
東窗下正和淵明乞食詩

自做

出仕每辭榮歸休但力耕儉勤貧亦足戒懼禍
終輕學自不欺始智由無事行書紳及銘座勉
勉盡吾生

又

經術吾家事躬行更不疑仁常爲己任清每畏
人知古訓必三復危途仍十息兢兢死方已寧
論迫期頤

雨後極涼

金微未壯長火老尚餘燼可憐茅舍翁瞑目困

藉躡蕭蕭得一雨天氣頗清潤豈惟爽襟靈亦足祛疾疢浮生日月駛老死纔一瞬聖賢邈不嗣利欲以身徇孰能痛澡雪此道庶少進閉門君但學妙理天豈吝

醉題

來往人間今幾時悠悠日月獨心知尋僧莫理清宵話埽壁閑尋往歲詩疋馬秋風入條華孤舟暮雪釣湘漓只愁又踏關河路荆棘銅駝使

我悲

秋感

畏塗歷盡百年中老臥窮閭一秃翁衣杵淒涼常帶月井桐零落不禁風空文久悔雕蟲技大學方施習射功佛書云如人習射久久方中萬一死前能少進九原猶可見先公

鼠敗書

雲歸雨亦止鷓起窗旣白秋宵未爲永不寐如

歲隔平明亟下榻亦未暇冠幘檢按案上書狼
籍鼠齧迹食簞與果邊攘取初不責侈然敢四
出乃至暴方冊坐令漢篋亡不減秦火厄向能
畜一猫狡定詎弗獲緘藤又蕩然追咎亦何益
惰偷當自戒鼠輩安足磔

秋望

千里郊原俯莽蒼三江煙水接微茫橫林蟲鏤
無全葉新雁風驚有斷行神禹祠庭遺劔珮光
秦金石古文章一尊莫恨盤飧薄終勝登樓憶
故鄉

秋夕

浴罷紗巾出草堂一枝瘦杖倚禿榔蟬吟古柳
聲相續月入幽扉影正方頻約僧碁秋漸健稍
增書課夜初長亦知桑落宜蕩酒太息何時辦
一觴

出遊

八月石帆秋聊爲汗漫遊本因尋友去却爲看
山畱小艸題僧壁長吟上驛樓月能從劇飲天
可寄閑愁高下評泉品縱橫記酒籌花開遇門
入水長信舩流骹髒人雖棄脂韋我自羞此心
君不信試往問沙鷗

病中戲詠

八十行加二清秋住故山新涼足眠睡舊疾害
躋攀雪白紛殘鬢梳黃染病顏疲牛臥斜日羸
馬噍枯菅貧廢兒孫學慈生僕妾頑贖衣時已
迫貸米歲方難竺鉢僧嘲薄盤飧客笑慳從今
謝還往惟有掩柴關

書喜

欹斜古屋枕江干恩賜殘骸許挂冠杵臼有聲
聊足食羊牛識路自歸闌不求客怨陶潛醉肯
受人憐范叔寒兒輩漸還家喚熱預知燈火話

團欒

子龍初自江西歸子
虞亦今冬當罷官矣

春畊

去蜀歸吳會真成萬里行窮通竟安在恩怨兩
皆平文字妨求道孟觴害養生餘年猶有幾買
犢事春畊

秋思絕句

煙草茫茫楚澤秋牧童吹笛喚歸牛九衢不是
風塵少一點能來此地不

又

榮悴元知豈有常紛紛草木占年光霜風一場
知何在楚客從來枉斷腸

又

一片雲生便作陰東軒草樹芙蓉森秋風豈必
關人事自是衰翁感慨深

又

枳棘編籬晝掩門桑麻遮路不知村平生詩句
傳天下白首還家自灌園

又

胸次本來容具區
自私盆盎一何愚
片帆忽逐秋風起
聊試人間萬里途

又

黃蛺蝶輕停曲檻
紅蜻蜓小過橫塘
老人未肯殺風景
睡起熏籠重炷香

秋興

節物喜更新
清秋最可人
徐行曳藤杖
小立岸紗巾
煙雨迷衰草
汀洲老白蘋
鶴巢時託宿
猿果每分珍
羽客期燒藥
毛人約卜鄰
蘭亭故不遠
千載見清真

寓歎

五畝煙蕪過半生
還山自笑又躬耕
春炊不繼兒啼飯
烹飪無方客絮羹
遊宦人間身愈困
讀書燈下目幾盲
退之已老當更事
猶向時人說善鳴

北窗

垂老乞骸骨飄然辭聖朝竹頭那足用桐尾不
禁焦短褐縫練布晨歿采藥苗風霜征雁路燈
火衲僧寮隴客詢安否狸奴伴寂寥北窗鳴落
葉愁絕夜迢迢

閑思

睡美精神足心空忿欲輕讀書無定課飲酒不
成醒日日東軒坐時時北渚行最奇鳥相下側

帽聽秋鶯

秋光

小圃秋光潑眼來老人隱几興悠哉翩翩蝴蝶
成雙過兩兩蜀葵相背開雨足疎籬引荒蔓人
稀幽徑長新苔貧家竈冷炊煙晚待得鄰翁賣
藥回

秋夜思南鄭軍中

五丈原頭刀斗聲秋風又到亞夫營管如埋劍

常息出今作閑雲不計程盛事何由觀北伐後
人誰可繼西平眼昏不柰陳編得挑盡殘燈不
肯明

湖上

飄然世外更何求終日橋邊弄釣舟回視老身
猶長物縱無炊米莫閑愁煙生墟落垂垂晚雁
下陂湖處處秋欲覓高人竟安在又聞長笛起

滄洲

湖中有隱士月夜必
吹笛人莫有見者

讀王摩詰詩愛其散髮晚未簪道書行尚
把之句因用爲韻賦古風十首亦皆物外
事也

我生本江湖歲月不可算采藥遊名山所歷頗
蕭散一逢巢居翁見謂於我館酌泉啖松柏每
得造膝款行道不自力殘髮日已短海山故不
遠謫限何時滿

又

仕宦五十年所至不黔突取魚固捨熊挾兔那
恨鶻退歸息厭厭誰敢書咄咄屋穿每茨草驢
瘦可數骨秋風忽已厲落葉襯殘月脫巾坐中
庭清冷入毛髮

又

我愛古竹枝每歌必三反孤舟上荆巫天未未
覺遠最奇扇子峽恨不遂高遯荆棘蜀故宮煙
水楚廢苑至今清夜夢百丈困牽挽人生如寄

爾勿歎流年晚

又

往歲著朝衫晨起事如彙告歸臥孤村枯淡有
餘味閉門絕外慕自謂真富貴蕭然畢吾生地
下亦增氣里翁戀兒女小疾輒憂畏惟窮可賒
死我在君亦未

又

萬金築華堂千金教新音不知憂患場著脚日

愈深今人喜議古後亦將議今使汝有子孫聞
之亦何心鄧通擅銅山死日無一簪未死汝勿
喜五溪多毒淫

又

往者遊青城猶及二三老誓首出世師數語窮
至道妻子真弊屣棄去恨不早俯仰纔幾時殘
骸日衰槁吾兒有奇骨亦復至幽討金丹儻可
成白髮何足埽

又

稚川師鄭君纔及一卷書書大僅如箸度世蓋
有餘想其所論說妙極軒昊初內篇今雖存亦
復飽蠹魚我欲探其原蹇步空趨趨安得插兩
翅從公遊太虛

又

隱書有三景字字當力行寸地與尺宅可以久
汝生泝流歸崑虛堅守臨長城一旦告成功河

塞黃金成笙鶴適緱山貂蟬朝玉京卽今修行

地千古名還嬰

予道室以還嬰名之

又

行年過八十形悴神則旺往來江湖間垂老猶
疎放滄波浩無津天遣遂微尚剡溪挂風帆漁
浦理煙榜奇雲出深谷新月生壘嶂興懷晉諸
賢誰能續遺唱

又

二十遊名場最號才智下蹭蹬六十年亦有菲
一把典衣租黃犢乘雨畊綠野西成得一飽敢
計泥沒踝住久鄰好深百事通乞假秋高小簷
香相喚注老瓦

夢行益昌道中有賦

朱棧青林小益西早行遙聽隔村雞龍門閣畔
千尋壁江月亭前十里堤酒舍胡姬歌折柳江
津洮馬愒障泥倦遊重到曾來處自拂流塵覓

舊題

自規

忿慾俱生一念中
聖賢本亦與人同
此心少忍便無事
吾道力行方有功
碎首寧聞怨飄瓦
關弓固不慕冥鴻
老翁已落江湖久
分付餘年一短蓬

幽興

蘭渚前頭湖水清
了無俗事敗幽情
雨淋茅屋隨時補
日射油窗特地明
庭樹晚鶯窺戶語
鄰園秋筍過籬生
芥菘漸美鹽醯足
誰共貧家一釜羹

記前輩語

疇昔見諸老
從容聞至言
馬非求路寢
木豈願犧尊
臥起數椽屋
嘯歌三畝園
人生正應爾
雲夢不須吞

貧居卽事

筮易常逢坎推星但值箕老雖齊渭叟窮不減
湘纍巷月鳴衣杵庖煙爨豆萁秋深病良已且
復強伸眉

又

地偏人罕到秋晚日猶長病去筇枝贅家貧菜
粥香流泉通藥壠積雨潤書囊欲譜幽居事疎
慵久未遑

又

月黑梟鳴樹燈殘鼠穴牆床空圍紙被室靜藜
楓香不恨言傷直惟憂慾敗剛回頭顧名利百
世永相忘

又

米竭炊煙靜村深客屨稀庭除荒宿莽籬落帶
斜暉風惡披書卷鷗馴傍釣磯鄰家殊耐久相
伴荷鋤婦

又

意緒喪家狗形骸槁木枝曲肱雖自適縱理固
當飢買絮初寒後畦蔬小雨時窮途何用上吾
道卽著龜

又

守道常違俗存心不媿天終年飢過半動步謗
居前力倦少行立氣昏多睡眠今宵風月好扶
杖到溪邊

自詠

素慕巢居穴處民久爲釣月臥雲身經行山市
求靈藥物色旗亭訪異人高枕靜聽棋剝啄幽
窗閑對石嶙峋吾廬已是桃源境不爲秦人更
問津

枕上作

一室幽幽夢不成高城傳漏過三更孤燈無焰
穴鼠出枯葉有聲鄰犬行壯日自期如孟博殘
年但欲慕初平不然短楫棄家去萬頃松江看

月明

秋曉聞禽聲五韵

秋曉風露佳
天宇曠以清
鳥雀當此時
意樂有和聲
人獨不自喜
乃欲鳴不平
世事雖萬端
但可笑絕纓
君看郊與島
徒自殘其生

對酒

素月度銀漢
紅螺斟玉醪
染丹黎半頰
斫雪蟹雙螯
詩就吟逾苦
盃殘興尚豪
閑愁翦不斷
剗

欲借并刀

又

密篠持苫屋
寒蘆用織簾
菰肩柴熟罨

東坡煮猪肉訣

云淨洗鍋少著水
柴頭罨煙焰不起

蓴菜豉初添
黃甲如盤大
紅

丁似蜜甜街頭
桑葉落相喚
指青帘

示鄰里

古學陵夷失本原
讀書萬卷誤元元
從今相勉躬行處
士庶人章數十言

重示

篤學仁何遠窮居道亦行能充氣剛大誰蔽性
光明家世艱難業鄉閭宿昔情歲殘相勞苦惟
是語春畊

雨夜起行室中

老疾逢秋體自輕披衣暫起繞床行隙風不斷
燈將滅簷雨如傾階欲平鯨叟何嘗愁枕冷病
夫未免待窗明拂書洗硯龜堂上幽事誰知日

有程

閏月辛酉壬戌連日風雨癸亥早晴

殘雨在簷猶點滴斷雲銜日正蒼涼清愁偏向
暮年覺少睡不禁秋夜長簾影漸生禽語樂杵
聲初動藥塵香諸兒作吏俱安否那得瘴風至

汝傍

予諸子伯叔
季皆出仕

秋思

少日猖狂不自謀卽今垂死更何求簡編不隔

聖賢面夢寐時爲河嶽遊濁酒未傾心已醉長
歌欲發涕先流石帆射的煙嵐晚過雁聲中又
一秋

又

十日秋陰滿徑苔蓬門那有客敲推水邊丹葉
已如許籬下黃花猶未開空見遊僧衡嶽去難
逢新雁杜陵來溪雲一片閑舒卷戀著漁磯不
肯回

閑遊

江邊小市舊經過歲月真如東逝波茶竈酒壚
多識面少畱賣藥買漁蓑

又

溪橋偶與僧遊話草市來尋逆旅炊自笑一生
爲客慣捉驢小豎訴朝飢

又

祓除情累煙波上放蕩胸懷詩酒中禹會橋邊

潮落處夕陽幾度繫孤篷

對鏡

面大如盤七尺身珥貂自合上麒麟詩家事業
君休問不獨窮人亦瘦人

幽居書事

老人初起厭囂喧塵几從教鼠迹存赤脚平頭
俱遣去倚牆危坐嚙朝暎

又

買魚賒酒皆高興野店溪橋圖画中從此衰翁
自行耳不須多事喚蠻童

偶與客話峽中舊遊

我筇旅遊秋雨細建平城東門欲閉主人迎勞
語蟬聯小婦春炊縞衣袂長年三老半醉醒蜀
估峽商工算計須更燈闇人欲眠泊船卸馱猶
相繼山深水嶮近蠻獠往往居民雜椎髻卽今
屈指四十年懷抱淒涼真隔世

讀老子次前韻

平生好大忽瑣細焚香讀書戶常閉少年曾預
老聃役晚歲欲挹浮丘袂力探玄門窮衆妙肯
學陰謀畫奇計言狂不獨人其排志大仍憂後
難繼君看淡埽出繭眉豈比一尺春風髻著書
勿恤飽蠹魚會有子雲生後世

作籬

生世八十餘日夜迫衰老中年所築舍傾壞當
官道每逢風雨夕性命凜莫保況此蘆竹藩何
恃不摧倒今朝手自葺不暇避塗潦雞豚有限
隔門巷得鋤埽豈惟禦盜竊亦足慰懷抱陰雲
忽四垂見事幸差早

寓歎

老生讀書百絕編日晏忘食夜廢眠孝經一生
行不盡況有六籍陳吾前華軒玉食非素願廣
廈高墉實郵傳經營歸計笑時人我老但須書

數卷

衡門感舊

蒼煙屯不散足素橫郊原雨細不溼衣著水始
見痕躊躇意自佳未遽掩衡門一一送歸鴉楓
林猶未昏念管壽州歸紹興初紀元闔門過百
口一身今獨存不死實有命送老三家村躬畊
幸得食萬事不足論

客中作

江天雨霽秋光老野氣川雲淨如掃投空飛鳥
雜落葉極目斜陽襯衰草平沙爭渡人鵠立長
亭下馬障泥溼纍纍紅果絡青篾未霜先摘猶
酸澀客中雖云貪路程買薪糴米常畱行茆檐
獨坐待僮僕不聞人聲聞碓聲

讀書示子適

我性苦愛書未始去几案生雖後三代意尚卑
兩漢世衰道術裂年往朋友散澤居貧至骨霜

冷衣露肝猶能樂其樂肯發窮苦歎爾來更可
笑身糴兒炊爨一飽輒欣然弦誦等雖泮望古
雖天淵視俗亦冰炭阿適可憐生相守忘夜旦
孤學當世傳歲月不可翫

老懷

老懷常易感秋雨苦難晴
羈枕悲歡夢高城長
短更榮枯一蠧垤成壞
幾棊枰抱疾茅檐下行

人肯寄聲

昨日得李孟達書

沉縣

沉縣久未平寂莫閉柴荆
危葉先霜墜殘螢冒
雨明記書由默誦得食出躬耕
此事吾親驗方當告後生

遊近村

行歷茶岡到藥園却從釣瀨入樵村
半衰半健意蕭散不雨不晴天
晏溫薯蕷傷籬寒引蔓草
蒲絡石瘦生根參差燈火茆檐晚
童稚相呼正

候門

又

被髮行歌雪滿膺夕陽顧影亂鬢髻乞漿得酒
人情好賣劔買牛農事與社鼓賽秋聞坎坎塿
燈照夜望層層歸來閑指烏藤說箇是人間耐
久朋

小亭

除地編茅作小亭一川風露對青冥殘螢欲盡
猶穿戶落葉初飛已滿庭櫟老無心求匠石鬼
靈有說拒奴星餘年默數能多少盡付黃庭兩

卷經

記夢

少日飛揚翰墨場憶曾上疏動高皇寧知老作
功名夢十萬全裝入晉陽

又

老來百事不關身北陌東阡一幅巾忽夢行軍

太行路不惟無想亦無因

劍南詩彙卷第六十三

劍南詩彙目錄

卷第六十四

養疾 客從城中來 暮秋中夜起坐次

前韻 閒遊 自規 自笑 泛舟至鏡

湖旁小市 懷舊 道院述懷首二 秋雨

二首 聽雨 畏事 刈穫後書事二首 秋

夜五鼓初起坐堂上 王旦 王習嬾自答

雨夜枕上作 晚飯後步至門外竝溪而

歸 文章 枕上口占 乙丑九月三日

晚久雨驟晴西南新月如玉鈞重陽以八

月置閏菊花粲然滿園喜甚作一絕記之

寓歎 村興 夜聞埭東賣酒鼓聲譁

甚 燈下晚飧示子適 秋晚書懷二首

初寒 黃昏小雨中暫憩蒼頭在傍云初

未嘗得瞑予乃甚適若熟寐者作五字記

之 乾道之初卜居三山今四十年八士

有一感事抒懷 視東臯歸小酌一首

市道中二首 古寺 夢中作二首 舟行

墟梅市之間偶賦 衰疾 惜簪 雨

寒甚 入冬病體差健而貧彌 感作

蜀漢 新開小室 初冬絕句二首 卽事

六首 閒吟 自遣 記乙丑十月一日夜

夢二首 縱遊 村居書事六首 湖堤暮歸

題榻本姜楚公鷹二首 書巢五詠 感

遇六首

幽興

題詹仲信所藏米元暉雲

山小幅二首

詹仲信以山水二軸為壽固

辭不可乃各作一絕句謝之二首

有所懷

自嘲老態

十月十四夜夢與客分題

得早行

經興中予初仕為寧德主簿與

同官飲酒食蠟房甚樂後五十年有餉此

味者感歎有賦酒海者大勸盃容一升當

時所尚也

病中雨夜

讀呂舍人詩追

次其韻

五首

菴中晚息

枕上

冬夜

雜興

二首

用詩彙目錄

卷六十
四終

劍南詩彙卷第六十四

養疾

齒耄嬰新疾才衰減舊名短筇扶蹇步小院愜

幽情卜叟言灾退醫翁賀胍平飯香炊糲糲羹

美醃蕪菁菊穎寒猶小楓林曉漸頽清詩披客

贄佳著指僧枰家塾燈前課村陂雨外畊從今

尚何事賴此遣浮生

客從城中來

客從城中來相視慘不悅引盃撫長劍慨歎胡
未滅我亦爲悲憤笑論到明發向來酣鬪時人
情願少歇及今數十秋復謂須歲月諸將爾何
心安坐望旄節

算秋中夜起坐次前韵

東吳秋令遲得雨亦良悅中庭有流螢烈風吹
不滅披衣起坐久鼓角參差發西成雖作勞農
事亦漸歇老怯歲律殘俛仰忽九月蟋蟀鳴壁
間媿汝知時節

閑遊

白石床平偶小畱青芒屨穩復閑遊微丹點破
一林綠淡墨寫成千嶂秋竹院頻分齋鉢飯苔
磯時把釣魚鈎要知此老神通否二十年來不
識愁

自規

老疾今俱至艱難亦備更箇中無障蔽何處欠

光明一日能用力三年亦有成脩身在我爾勉
勉盡餘生

所謂三年有成者豈獨爲國哉

自笑

學道功賒歲月馳平居自笑著鞭遲安心未竟
夜饒夢與世雖疎秋尚悲藥圃幽尋芒屨溼棊
枰慙戰角巾欵只愁今夕西窗夢又買長筒到
古郛

泛舟至鏡湖旁小市

入著朝心負此湖扁舟剡喜補東隅市樓合樂
醅新熟寺壁殘詩字欲無常日不堪愁宛轉此
行猶得笑須臾夕陽鷗鷺皆相識更覺人間是
畏塗

懷舊

身是人間一斷蓬半生南北任秋風琴書管作
天涯客衰笠今成澤畔翁夢破江亭山驛外詩
成燈影雨聲中不須強覓前人道似香山實

不同

道院述懷

學道已非生死流極知心外更何求理窮性盡
命亦至氣住神全形自畱大藥一爐真度世孤
桐三尺可忘憂故人怪我歸來晚太華峯頭又
素秋

又

八十年前一炷香依然餘習未全忘舊緣入靜

多扃戶近爲精息別置床篝火古鐺煎檜蜜汲
泉小瓮釀松肪老翁正似遼天鶴更覺人間歲
月長

秋雨

雨滴何由止人眠不復成雲深無雁影村近有
砧聲草草殘年夢寥寥後世名太山并螿堙俱
向酒中平

又

秋晚兼旬雨雨晴當有霜頗息遊近縣亦已戒
輕裝珍薰披縣美寒醅撥雪香菊花常歲有所
喜及重陽

聽雨

髮已成絲齒半搖燈殘香燼夜迢迢天河不洗
胸中恨却賴檐頭雨滴消

畏事

畏事偷安百不能飯蔬聊得曲吾肱舊交夢裏

時時見宿疾秋來日日增遣悶自鉏幽圃藥扶
衰猶賴故溪藤不因顧見鬢髻影全是深山退
院僧

刈穫後書事

鄰里西成例少蘇貧家生業得徐圖雖非五鼎
豈無食未辦複禪猶著襦牢蔬漸肥堪奉祭耕
牛已買不求租却息流落天涯日要是家居勝

道途

又

耄歲誰知困不蘇每虞黠鬼笑狂圖陶公老去
但濁酒管老歸來惟白襦不逐兒童覓兼味且
隨鄰曲了殘租細息自有欣然處高謝人間九
折途

秋夜五鼓初起坐堂上至旦

蒸鬱不可過開門星滿天身還倚藤杖手自酌
巖泉雞唱猶相續鷓飛忽已翩事隨朝日出佳

息復茫然

習嬾自答

習嬾多遺事時能害睡眠糴騎殘竹筍鼠橫齧
床壇獨子巡籬落狸奴護簡編人間有俊物求
買敢論錢

雨夜枕上作

雨點滴我心雨氣傷我魂但憂草廬破敢息布
被溫市壚酒如山不溼老瓦盆天其遂吾心窮

死三家村

晚飯後步至門外竝溪而歸

徐行摩腹出荆扉掠面風尖酒力微市步空船
迎荻去湖隄輕擔賣魚歸潺潺沙竇鳴殘水莽
莽平蕪襯落暉商略最關詩思處滿村砧杵搗
秋衣

文章

文章如奕棋分量固有極學不盡其才識者爲
太息古來名世士亦或墮此域至今讀其文曷
嘗不追惜士生千載後夙慕當自力如其不能
然歸哉事畊織

枕上口占

白首區區道未明故山悔不蚤歸畊勇如搏虎
但堪笑學似累棊那易成殘雨墮簷時一滴老
雞棲樹已三鳴村居孤寂知何憾兩耳猶勝聽
市聲

乙丑九月三日晚久雨驟晴西南新月如
玉鈎重陽以八月置閏菊花粲然滿園喜
甚作一絕記之

初三新月見如期重九黃花又及時俱是人間
稱心事典衣一醉更何疑

寓歎

蕭疎殘髮數莖絲勝負渾如未算棊萬里旌旗
無昨夢一蓑煙雨有新詩潛消暗換人誰在小
醉閑眠我自竒二十四年能幾許汾陽回首亦
成癡

村興

結宇楓林下久窮吾所安村深事自簡累少食
差寬雨閣牛眠屋泥深鴨滿闌呼兒擣粉餌準
擬賽鄰官

夜聞埭東賣酒鼓聲譁甚

烏桕森疎照溪赤寒鴉翩翩蔽天黑鮮鱸出網

重兼斤新蠲登盤大盈尺年年此際清霜夜飯
罷讀書聲滿舍豈惟父子講家學亦有朋儕結
經社誰令屠沽聚里中鼓聲終夜聒老翁嗚呼
安得寐無聰不但杜老左耳聾

燈下晚飧示子適

家貧短衣不掩胛空庖淒淒竈不爨老翁八十
忍飢熟兀坐空堂日常旰今年閏餘九月寒那
敢遽議南山炭艱難幸復致一飧舖歎燈前百
憂散適子挾冊于于來時與乃翁相論難但令
歆向竟同歸門前籬湜何憂畔

秋晚書懷

七澤三巴日月長卽今萬事付茫茫結廬窮僻
新知少屬疾沉緜舊學荒中夜飯牛初上阪千
年化鶴復還鄉自憐尙覺身爲累剝蓄荆薪待

雪霜

又

頽然兀兀復騰騰萬事惟除死未曾無奈喜歡
閑弄水不勝頑健遠尋僧喚舩野岸橫斜渡問
路雲山曲折登却笑吾兒多事在夜分未滅讀
書燈

初寒

久雨重陽後清寒小雪前拾薪椎髻僕賣菜掘
頭船薄米全家粥空牀故物羶身猶付一軟名

字更須傳

掘頭舩見
張志和詩

黃昏小雨中甃憩蒼頭在傍云初未嘗得
瞑予乃甚適若熟寐者作五字記之

人看初無寐形勞幸少休夢魂雖栩栩鼻息未
齁齁輕若風中絮浮如水上漚死生君了否試
向此中求

乾道之初卜居三山今四十年八十有一

感事抒懷

乾道之初結草廬三朝六見紀元初年光拋擲

雖加倍生計蕭條愈不如目暗欲盲停夜課
髮殘無幾怯晨梳市聲風便猶關耳未死終當更
徙居

視東臯婦小酌

築陂下麥晚歸來圍火烘衣始此回但得諸孫
傳素業真無一事挂靈臺井桐葉落垂垂盡籬
菊花殘續續開不負初寒蟹螯手床頭小瓮撥

新醅

又

少年誤計慕浮名更事方知外物輕身誓生生
辭祿食家當世世守農畊授時堯典先精讀陳
業幽詩更力行最好水村風雪夜地爐煙暎歲
豬鳴

梅市道中

去去浮官浦悠悠數客檣蓼花低蘸水楓樹老
經霜蕭鼓迎神鬧鉏耰下麥忙城西小市散歸

艇滿斜陽

又

雨暗山陂路人喧古渡頭廟垣新画馬村笛遠
呼牛買飯諳爭席迎潮競解舟平生苦吟處又
送一年秋

古寺

秋草荒無路來遊感廢興殘僧僅粥飯古像冷
香燈沃病驚重到題名記笈曾自量難笑汝一
歎倚枯藤

夢中作

繫馬朱橋上酒樓樓前敷水拍堤流春風又作
無情計滿路楊花輓雪球

又

大慶橋頭春雨晴行人馬上聽鶯聲祥符西祀
曾迎駕惆悵無人說太平

舟行魯墟梅市之間偶賦

短髮蕭蕭久挂冠江湖到處著身寬
 蓼花不逐蘋花老桐葉常先槲葉殘
 未卜柴荆臨峭絕且謀蓑笠釣荒寒
 閑人尚媿沙鷗在始信煙波得意難

衰疾

衰疾支離負聖時猶能采菊傍東籬
 捉衿見肘貧無敵聳膊成山瘦可知
 百歲光陰半歸酒主事業略存詩不妨
 舉世無同志會有方來可

與期

醫管

偶見張安國周子充劉韶美王景文
 東管召在元受遺集為之感給作長

憶管高皇紬柄臣招徠賢雋聚朝紳
 寧知遺恨忽千載追數同時無一人
 薶骨九原應已朽殘書數帙尚如新
 此身露電那堪說也復燈前默

愴神

雨後寒甚

陂澤連山脚風煙接海濱孤鴻悲遠客殘菊伴
陳人酒盡瓶枵腹爐寒客曲身老翁殊耐事一
笑自回春

入冬病體差健而貧彌甚戲作

乞骸自喜脫風塵北陌東阡負耒身夢裏相逢
無豎子面間時出有真人閑憑曲几還終日不
出衡門動過旬送老壘鹽君勿笑天教成就一
生貧

蜀漢

憶昔遨遊蜀漢間駸駸五十尚朱顏呼鷹雪閣
天回路采藥雲迷御愛山舊事已無人笑說征
途猶與夢相關夕陽不覺憑闌久待得林鴉接
翅還

新開小室

竝檐開小室僅可容一几東爲讀書窗初日滿
窗紙衰眸頓清澈不畏字如螿琅然絃誦聲和

富有稚子餘年猶幾何此事殊可喜山童報炊
熟束卷可以起

初冬絕句

鱸肥菰脆調羹美麩熟油新作餅香自古達人
輕富貴例緣鄉味憶還鄉

又

道途冬暎衣裘省村落年豐鼓吹喧下麥種麩
無曠土壓桑接果有新園

卽事

雲起山容改潮生浦面寬寒鷗先雁到烏桕後
楓丹年邁狐裘帽時新豆搗糲非關嗜溫飽更
事耐悲歡

又

遜居無外事白日不勝長詩爲窮差進琴雖老
未忘映窗精試墨閉閣苦畱香年少無相諂功
名事更狂

又

日上小窗東禽鳴高樹中樂哉容膝地著此曲
肱翁香迳常遲散兒來亦旋通所慙貪坐睡鉛
槩少新功

又

綉潔晴窗暎粳新午飯香嗜眠爲至樂省事是
奇方孤蝶弄秋色亂鴉啼夕陽詩情隨處有信
筆自成章

又

井稅無餘負川原已飽犁樵歌歸市步帆影過
河堤野實丹兼漆村醪蜜與壘雖云有豐約不
廢醉如泥

又

還鄉吳語熟伏枕越吟悲接客寒溫簡過鄰几
杖隨獨嗟親舊少不覺歲時移陌上人爭看風
歆白接離

閑吟

閑吟可是治愁藥一展吳牋萬事忘不憺暮年
訓倡絕猶能作意畲秋光

自遣

衣冠尚作閑身崇梁肉終非退士宜惟有褐裘
并豆飯尚能相伴到期頤

記乙丑十月一日夜夢

夢裏江淮道上行解裝埽榻喜新晴店門邂逅

綈袍客共把茶甌說養生

又

旋糴街頭米數升黃昏看上店身燈明朝山路
聞饒石買得烏騾喜不勝

縱遊

人事元知不可諧名山踏破幾青鞵百錢挂杖
無時醉一鋪隨身到處埋驛壁讀詩摩病眼僧
窗看竹散幽懷亦知詩料無窮盡燈火蕭疎過

縣街

村居書事

過門車馬誰曾入
塞路蓬蒿不復鋤
雨漏日惟支敗屋
鼠餘時自緝殘書

又

矮餅煮粥猶難繼
小甌蒸饊豈解常
偶得鹽醯便豪侈
晨飧滿舍野蔬香

又

架橋築路村翁事
裂網伸鈎老嫗心
自笑年來足衰態
軒昂故步嬾重尋

又

書收鼠齧猶堪讀
柿拾鴉殘亦自甜
動念不如姑省事
智謀老健恐難兼

又

修身世世詩書業
營利明明市井人
安得後生俱自好
百年門戶本來貧

又

文辭苦思徒妨睡官職虛名不療飢垂老始知
安樂法紙寫竹馬伴兒嬉

湖堤莫歸

出郭竝湖無十里我歸蟹舍過魚梁川雲蒼白
不成雨汀樹青紅初著霜俗孝家家僕菽水農
勤處處築陂塘樂哉追逐鄉三老半醉行歌詠
歲穰

題搦本姜楚公鷹

憶笱呼鷹塞草枯妖狐狡兔笑談無明窗見畫
空三歎恍若霜郊遇獵徒

又

弓面霜寒斗力增坐息鐵馬蹴河冰海東俊鶻
何由得空看縣州舊畫鷹

書巢五詠

銅之在人間細大各有境散爲五銖貨聚作九

牧鼎天祿與辟邪乃復參泓穎致用孰相須寒
泉出金井

右硯滴

古者貝爲貨庶物賴以通後世貴銅臭退處書
几中楮生僭光輝文字傳亡窮言利古所羞孰
謂汝不逢

右研蠹

時來偶見收過時自當退豈惟裁紙尾亦或用
牘背人情有貴賤志士感興廢庫中九萬張視
我猶前輩

右故紙

鸞膠擣松煙成此金石姿雖以剛故折挺特終
不移微功在簡冊敢惜身蹈危雖非破硯文永
世亦有辭

右折墨

銅壺受五升中貯太古醇相從亦已久一朝委

流塵我豈少恩哉白頭乃如新誰知矮道士亦
作斥仙人

右空酒壺

感遇

仕宦五十年終不慕熱官年齡過八十久已辦
一棺結廬十餘間著身如海寬此外皆長物簡
去心始安稱意多怒嗔易可出難難我無狐白
裘短褐亦禦寒

又

士方貧賤時藜藿苦不足一朝得富貴奴僕饜
梁肉大馘食亞夫空器餽荀彧何如茹檐下父
子其饘粥我生有至願世世謝寸祿有子復有
孫無榮亦無辱

又

人之所甚患飢渴與寒暑粗免則已矣過計安
用許自奉非其分三彭將嫉汝寓形天壤間大

抵皆逆旅但能飽菜根何地不可處堂堂七尺
軀切勿効兒女

又

我以善勉汝汝謂出訾毀置之不復言意又不
能已爲善如築臺成功由積索中休猶不可況
本無基址未言破萬卷日且讀十紙學雖在力
行要是從此始

又

我初居三山同里數十人尊酒相勞苦言辭亦
諄諄去來四十年皆成塚中塵子孫雖或存敗
屋賣作薪此亦何罪哉不過坐一貧我幸未至
此亦復拙謀身無飯可哺汝觸目成悲辛

又

人與人爲徒事我蓋有緣司晨與警夜異類亦
可憐舐糠啄遺粒要使全其天人則當教誨見
善或能遷盛怒姑小忍雖蒲豈非鞭事過我亦

喜陶然送流年

幽興

老向浮生意漸闌飄然俟死水雲間龜支牀穩
新寒夜鶴附書歸舊隱山無意詩方近平淡絕
交夢亦覺清閑一端更出淵明上寂寂柴門本
不關

題詹仲信所藏米元暉雲山小幅

俗韻凡情一點無開元以上立規模鏡湖老監

空揮淚想見楚江清曉圖

徽宗見元暉楚江清曉圖大加賞歎

又

一棹朝南算北風奇峰倒影綠波中定知漸近

三山路認得漁翁是放翁

詹仲信以山水二軸為壽固辭不可乃各

作一絕句謝之

策蹇渡橋春雨餘亂山缺處草亭孤不知何許

丹青手画我當年入蜀圖

右春山

雪崦梅村一徑斜
茆檐煙火兩三家
眼明見此幽栖地
却恨吾廬已太奢

右雪山

有所懷

鏡裏形模日夜衰
三峰師友久睽離
芝房又失耘鋤候
丹劑常息沐浴時
雷雨未成龍起晚
海天無際鶴歸遲
午窗一鉢青精飯
揀得香薪手

自炊

自嘲老態

世念秋毫盡渾如
學語兒得床眠易
熟有飯食無時紗
帽簪花舞盆池
弄水嬉從今轉無
事靜坐不吟詩

十月十四夜夢與客分題得早行

蓐食寒燈下
脂車小市傍
驛門猶淡月
街樹正清霜
觸目關河異
興懷道路長
丈夫當自力
雙

鬢易蒼蒼

紹興中予初仕爲寧德主簿與同官飲酒
食蠟房甚樂後五十年有餉此味者感歎
有賦酒海者大勸盃容一升當時所尚也
筭仕閩江日民淳簿領閑同寮飛酒海小吏擘
蠔山夢境悠然逝羸軀獨爾頑所嗟晨鏡裏非
復舊朱顏

病中雨夜

蹭蹬今如此沉緜不復支心隨形莫賴年與智
俱衰雨急孤燈暗雲深斷雁悲舊書空滿架惆
悵負明時

讀呂舍人詩追次其韵

士生始從學取友實先務吾聞諸古人傾蓋有
如故漢宮長生藥至取雲表露治身當何如而
受一塵汚

又

有過當相規有善當相告豈惟定新交亦以篤
舊好勢利古所羞置之勿復道霜霄萬木凋孰
秉歲寒操

又

少壯如昨日忽已及耄期舊友散莫收亦復少
新知言歸鏡湖上日日醉東籬自笑如寒蝶裴

同殘菊枝

東籬予
小圃名

又

道士成金丹青雲可接翼小夫豈知此危坐學
數息如持一畚土自謂河可塞生不遇碩師幾
何不自賊

又

三沐復三熏佩玉懷明珠何至不自珍欲效豕
負塗傳呼雖甚寵正可誇群奴君看魏徵孫世
世為農夫

庵中晚息

小庵摩腹獨彷徨俗事紛紛有底忙雲影忽生
鷓蔽日雨聲不斷葉飛霜經綸正復慙伊傳雜
駁猶能陋漢唐卷盡殘書窗已晚笑呼童子換
爐香

枕上

熒熒地爐火煮藥土床前高帝老朝士長安舊
少年松高露時滴城遠鼓猶傳拋擲百年事且
安殘夜眠

冬夜

杞菊家風有自來充飢藜糝不盈盃雲迷野渡
一聲雁雪暗山村千樹梅宴坐何妨面菴壁長
吟且復畫爐灰歲殘尚恨新春遠欲挽天邊斗

柄回

雜興

陋巷無心長草萊柴門偶自不曾開餘齡漸迫
諸孫長徂歲將窮積雪來且欲燎衣無宿燼算

息頰頰但空囁孰知自有忘憂處
遶坐新書正作堆

又

此身漂蕩等流槎又向江村送歲華
急雨遇寒凝作雪明燈無燧結成花
座懸鏡古森毛髮甌聚茶香爽齒牙
況是貧家多樂事阿開漸學手吒义

劔南詩彙卷第六十四

劔南詩彙目錄

卷第六十五

稽山行 贈論命周雲秀才 自嘲 自

寬 唐虞 幽事絕句 六首 寄題廬陵王

晉輔先輩桂堂 寄題王晉輔專春堂

鼠屢敗吾書偶得狸奴捕殺無虛日
羣鼠

幾空為賦此詩 讀唐書忠義傳 病後

作 山中 夜息 晨起 老態 二首 枕

上 贈過門道人 道院雜興首四 山村

經行因施藥首五 歎老 卽事首二 自賀

天氣作雪戲作 家風 十二月二日

夜夢遊沈氏園亭首二 江干 獨行過柳

橋而歸 戲遣老懷首五 對鏡 晨起

吾年過八十首二 述志首二 排悶 舟中

作 丙寅元日 新晴 新歲 簡邢德

允 簡蘇邵叟 東村 新曆歎 雪中

首二 早春出遊首二 東籬首三 村市醉歸

村夜 旅息 對酒作 遊東村 晨

起 夢中作 春雨首四 村店 久雨薪

炭食飲俱不繼戲作 溪上 謝君寄一

犁春雨圖求詩為作絕句首二 二月一日

夜夢 新晴首二 望永息陵 燈下小酌

春遊首二 春日雜賦首五 悲歌行 梅

市算歸三山 龜堂偶題首二 泛湖

劔南詩彙目錄卷六

劔南詩彙卷第六十五

稽山行

稽山何巍巍浙江水湯湯千里亘大野勾踐之
所荒春雨桑柘綠秋風杭稻香村村作蟹蝦處
處起魚梁陂放萬頭鴨園覆千畦薑春碓聲如
雷私債逾官倉禹廟爭奉牲蘭亭共流觴空巷
看競渡倒社觀戲場項里楊梅熟采摘日夜忙
翠籃滿山路不數荔枝筐星馳入侯家那憺黃

金償湘湖蓴菜出賣者環三鄉何以共烹煮鱸
魚三尺長芳鮮初上市羊酪何足當鏡湖瀦衆
水自漢無旱蝗重樓與曲檻漱灑浮湖光舟行
以當車小繖遮新粧淺坊小陌間深夜理絲簧
我老述此詩妄繼古樂章恨無季札聽大國風
泱泱

贈論命周雲秀才

周郎頎然市中隱精神卓犖秋天隼忽來過我
論五行袖出詩卷如束筍人生一息不自保況
我耄期真待盡君今盛爲談未來我亦聽之俱
可輟雖然此心猶未泯何至死去同蠢蠢地下
不作修文郎天上亦爲京兆尹

自嘲

受福元無一羽輕豈知造物假餘生抱病不死
躋高壽遇亂能全見太平投渚斷鴻常自閔營
巢倦鵲固難成瘵除亦有堪慙處記誦文辭誤

得
名

自
寬

兀兀空坐靜掩扉
篝爐香細著秋衣
簷頭殘雨晴猶滴
欄角羈雲晚未歸
支枕口和心共語
挑燈形與影相依
卷書未覺唐虞遠
知我何妨舉世稀

唐
虞

唐虞雖遠愈巍巍
孔氏如天孰得違
大道豈容私學裂
專門常怪世儒非
少林尚忌隨人轉
老氏亦尊知我稀
能盡此心方有得
勿持糟粕議精微

幽
事
絕
句

死生歸有命榮悴出無心
苔井閑磨劒松窗自

又

矮紙來吳下長毫出宛陵
自書霜夜句持寄剡

中僧

又

昨夕風掀屋今朝雨壞牆雖知炊米盡不廢野歌長

又

煙畦朝斲藥雪澗夜淘丹仄徑何曾嶮單袍不覺寒

又

新傳服氣訣舊喜步虛吟兒女不難棄雲山何處深

又

客生聞吠犬草茂有鳴蛙日昃方炊飯秋深始采茶

寄題廬陵王晉輔先輩桂堂

楚人記草木桂在椒蘭中我懷小山句妙絕窮化工唐人作山水亦以桂配松丹葩間綠葉錦

繡相疊重不知始何時巖桂開秋風楚人所稱
者委棄等蒿蓬嗚呼各有時士豈怨不逢我作
桂堂詩廣子雲夢胸

寄題王晉輔專春堂

堂前皆種牡丹

三月風光不貸人千紅百紫已成塵牡丹底事
開偏晚本自無心獨占春

鼠屢敗吾書偶得狸奴捕殺無虛日羣鼠

幾空為賦此詩

服役無人自炷香狸奴乃肯伴禪房晝眠芙蓉藉
床敷暝夜坐同聞漏鼓長賈勇遂能空鼠穴策
勛何止履胡腸魚殮雖薄真無媿不向花間捕

蝶忙

道士李勝之画捕蝶獅猫以訛當世

讀唐書忠義傳

志士慕古人忠臣挺奇節就死有處所天日為
無色大義孰不知臨難欠健決我思杲卿髮可

配嵇紹血

病後作

骨相坐一寒仕宦經百謫晚入文昌省又坐煩
言嘖詔書復收召付以大典冊期年甫奏篇皇
恐亟自劾歸來稽山下三食新穫麥草屨布裙
襦徒步老阡陌今年疾屢作恍若將歸客道士
言犯土拜章安舍宅巫言神去幹翦紙招魂魄
把臂忽自悟此豈屋漏脉盡去囊中藥默觀鼻
端白正氣徐自還鬼子何足磔

山中

草閣畱雲宿溪橋引鶴行身閑詩曠逸心靜夢
和平石乳無時滴松肪徹夜明山中足幽趣不
是傲公卿

夜思

風掃浮雲作快晴窗聲終夜雜簾聲月明滿院
鵲驚起霜冷壓栖雞嬾鳴名字虛稱舊朝士門
庭元是老書生尚餘一事猶堪喜北陌東阡醉

太平

晨起

晨起梳頭雪滿膺可憐衰與病相藥浮名何足
欺橫目真樂聊須付曲肱仕有俸錢渠亦好退
無耕墾我何憑具牛力盡殊堪閔買犢東村恨
未能

老態

破榼愁春近空困畏日長頭風便菊枕足痺倚
藜床冉冉殘年逼悠悠萬事忘有兒堪晤語無
客亦何妨

又

寡欲貧何損無才老更宜挂牆多漢刻插架半
唐詩飯已頻摩腹兒來暫解頤尚悲吳蜀遠未
免故人思

謂張季長

枕上

夜雨一再作燈前獨詠詩影看孤鶴瘦吟苔斷

蛩悲幽夢悠然覺清笳何足吹殘年猶幾日已
矣媿明時

贈過門道人

朝行市塵中奔馬不可及
算涉清溪流芒屨了
不溼巖扉一丹竈山路兩書笈
白驢可置掌童子亦絕粒
邂逅安期生電逝不暇揖
太華獨疑然萬仞道傍立

道院雜興

江上霜風吹角巾東歸不獨爲
吳尊婦除長劔
華纓夢收拾孤飄短棹身
勾漏丹砂開竈晚商
顏芝草滿山春東封敢擬迎
蠻仗且作行歌陌
上人

又

征途暗盡舊貂裘
歸臥林間喜自由
體倦尙憑書引睡
心安不假酒攻愁
丹爐弄火經年熟
竹院聽琴竟日留
今旦理髯還一笑
白間時有黑

絲抽

又

早歲知聞久已空，踴然猶有灞城翁。
東樓誰記

傾春碧

敘州蓋古戎州也。有東樓，厨醞本名重碧。范至能易為春碧。

北嶺空

思擘晚紅

北嶺在福州。予少時與友人朱景參會嶺下僧舍。時秋晚，荔子獨晚紅在。

冉冉流年霜鬢外，纍纍荒塚綠蕪中。
琳房何日

金丹熟，老鶴猶堪萬里風。

又

龜堂有叟富神通，白髮何妨兩頰紅。
先取山川

來掌上，却移天地入壺中。
鸞花不老非塵世，風

月常新奪化工，近作東籬君未見，一尊少住莫

怱怱

山村經行因施藥

閑行偶復到山村，父老遮畱笑一尊。
曩日見公

孫未晬，如今已解牧雞豚。

又

耕傭蠶婦笑欣然得見先生定有年
埽灑門庭拂床几瓦盆盛酒薦豚肩

又

兒扶一老候溪邊來告頭風久未痊
不用更求芎芷輩吾詩讀罷自醒然

又

驢肩每帶藥囊行村巷歡欣夾道迎
笑說向來曾活我生兒多以陸爲名

又

逆旅人家近野橋偶因秣蹇暫消搖
村翁不解讀本草爭就先生辨藥苗

歎老

身歷遭回事萬端天教林下養衰殘
文編似是他人作書卷如曾隔世觀
久已悠悠置恩怨況能一一記悲懽
牀頭周易真良藥不是書生強自寬

卽事

秃尾驢嘶小市門側蓬帆過古城村此生感慨
知何限斗酒新豐不足論

又

草衣木食更何求穴處巢居過卽休尚恨未能
全省事一竿風月釣滄洲

自賀

胎髮茸茸綠映巾歸耕猶是太平民流觴內史

招同社扛鼎將軍與卜鄰弊居去蘭亭項里皆甚邇曾冠六

鰲非俗吏已開九秩是陳人一盃剗約梅花醉

又見開禧第二春

天氣作雪戲作

八十又過二與人風馬牛深知老當逸孰謂死
方休細衲兜羅襪奇溫吉貝裘閉門薪炭足雪
夜可無憂

家風

春耕秋釣舊家風
門巷荒寒屋壁空
四海交情殘夢裏
一生心事斷編中
買魚日待攜籃女
裏藥時從挾麓翁
俗謂買藥為裏藥
便廢閑吟亦未可
吾徒豈獨坐詩窮

十二月二日夜夢遊沈氏園亭

路近城南已怕行
沈家園裏更傷情
香穿客袖梅花在
綠蘸寺橋春水生

又

城南小陌又逢春
只見梅花不見人
玉骨久成泉下土
墨痕猶鎖壁間塵

江干

霜晴忽念到江干
小蹇羸童路已乾
骨相豈能當富貴
鬢毛聊喜耐悲歡
客途冬暝衣裘薄
村市年豐酒醖寬
殘臘卽今無十日
剡求芹蓼助春盤

獨行過柳橋而歸

寒雲覆江干慘慘雪欲作草枯狐兔見鷹隼方
縱搏老翁臥蓬戶疾痛在腰脚忽覺意稍佳快
若解束縛呼童扶下堂西出度略約浮波見鳧
雁決起驚鳥鵲籬根犬迎吠碓下雞俛啄霜餘
桑葉積春近柳枝弱徐行過傍舍醉笑盛醞酢
歲算農事休羨爾羣飲樂

戲遣老懷

平生碌碌本無奇況是年垂九十時阿囡略如

郎罷老穉孫能伴太翁嬉花前騎竹強名馬階
下埋盆便作池一笑不妨閑過日歎衰憂死却
成癡

又

清羸正怯倚闌干紗帽還驚半指寬日漏雲端
纔欲暝風催梅信又成寒尋僧竹院逢茶熟引
鶴溪橋及雪殘只道捐書差似達庖丁數紙尙
須看

又

身時萬死避胡兵敢料時清畢此生已迫九齡
身愈健熟觀萬卷眼猶明深深小塢梅初動
漱清溪水欲平安得飄然從此逝緱山風月聽
吹笙

又

舊襲家風號散人晚承恩詔賜閑身放狂泥酒
都忘老厚價收書不似貧霜曉方驚羣木脫春

晴又喜一花新先生偶出人難遇陌上爭先看
角巾

又

本意歸來老故丘閉門飯足尚何求閑雲一片
自舒卷幽鳥數聲相應詎但得有書時到眼正
令無酒亦忘憂東籬偈仄纔尋丈已敵征西萬
戶侯

對鏡

歲月雖遄邁形容未苦癯髮如新沐潤顏似半
酣朱書讀常終卷山行亦却扶悠悠隨日過不
復歎頭顱

晨起

客枕畏霜氣曉窗收月痕芸芸萬物作皎皎一
心存老已忘開卷貧猶力灌園兒孫能繼此亦
足報君恩

吾年過八十

吾年過八十久已棄朝簪化蝶有殘夢焦桐無
賞音溪聲喧夜旦野色變晴陰欲講平生學茫
然不可尋

又

八十又過二自言名放翁斧斤遺壽櫟雲海寄
冥鴻酒挂驢鞍側詩投藥笈中灞城逢薊叟共
語莫匆匆

述志

推牛釃酒千人帳破浪凌風萬斛船常恨書生
無此快一生低首短檠前

又

新豐買酒慰無聊衝雪騎驢上灞橋
老尚堪吞豸子松風何至羨山苗

排悶

吹盡梅花了不知化工也誤老人期
離離新草隨愁出漠漠餘寒與睡宜
古錦一聯吟舊句文

楸數著理殘碁波生澄澗君何怪
禪榻從來映鬢絲

舟中作

林麓重重霧雨昏扁舟晚過郡南門
鑄金越相遺祠古執玉塗山王氣存
官道蒼茫多水驛客遊飄泊厭風飈
剡中此去無多地會約支公聽斷猿

丙寅元日

縹緲初聞寺閣鐘
霏微零雨兆年豐
家家椒酒歡聲裏
戶戶桃符霽色中
春枕方濃從賣困
社醅雖美倦治聾
從今萬事俱拋擲
且作人間百歲翁

新晴

夜雨空堦滴到明
山雲忽斂作新晴
門前月淡有檐影
牆外泥乾無履聲
與世日疎愁易遣
入春得暎疾差平
便當剗作滄洲趣
寄語沙鷗勿

敗盟

新歲

改歲鍾馗在依然
舊綠襦老庖
僕餽餽跣婢暎
屠蘇載糗送窮鬼
扶箕迎紫姑
兒童欺老瞶
明燭聚呼盧

簡邢德允

邢子襟靈舊絕塵
爾來句法更清新
淡交喜得山栖友
傑作疑非火食人
豈但僕奴看屈子
直

須塗改到生民與君兩世交情厚刺欲燈前對
角巾

簡蘇邵叟

君家文獻歷十朝魏公峩冕加金貂孫支得君
愈雋發貴名突兀凌煙霄居吳入蜀三十載諸
公孰能折簡招澗松意氣極磊砢天馬毛骨何
超遙鼎來行卷十九首緱山明月聞吹簫沉香
亭畔未須說想見風雪上灞橋老夫誦之羣玉
府學士如堵不敢驕爾來一編愈妙絕粲若新
霽瞻斗杓出爲龍首子何有老穿豹尾我亦聊
湖邊酒樓無十步胸次懣懣思同澆

東村

信脚村墟路歸來日未西波清魚隊密風小鵲
巢低白水初平岸青蕪亦徧犁市壚多美酒飲
具不須齋

新曆歎

新曆在手心怕開日月聯翩相續來黃金散盡
自一快白髮不貸真可哀無爲健羨廣成子千
二百年終有死膠不可黏西去日刀何由翦東
流水酒無醇醪但痛飲市醞上尊俱醉耳堂堂
七尺死卽休不飽烏鳶飽螻螿

雪中

忽忽悲窮處悠悠感歲華
算雲如潑墨春雪不成花
眼澀燈生暈詩成字半斜
殘尊已傾盡試

起問東家

又

春晝雪如筵清羸病起時
跡深驚虎過煙絕閑僧飢
地凍萱芽短林寒鳥哢遲
西窗斜日晚呵手歛殘棊

早春出遊

微雲薄靄新晴後小蓋輕輿古道遙
林杪幽禽初學轉牆陰凍雪未全消
酒壚日暮收青旆市

步人歸擁畫橈欹帽捫髯常半醉逢人誰與話
無慘

又

人生何適不難難賴是胸中萬斛寬尺宅常朱
那待酒上池頻飲自成丹楚祠花發呼舟去禹
穴雲生倚杖看更有新春堪喜事一村簫鼓祭
蠶官

東籬

東籬深僻嬾衣裳書卷縱橫雜藥囊無吏徵租
終日睡得錢沽酒一春狂新營茅舍軒窗靜旋
煮山蔬七筋香戲集句圖書素壁本來無事却
成忙

又

漫道深居晝掩關東籬栽接不曾閑每因清夢
遊敷水自覺前身隱華山花發時時攜綠酒客
來往往羨朱顏藥爐安著猶無地擬展茅茨一

兩間

又

東偏隙地作疎籬遇與無非一笑時陪客投壺
 新罰酒與兒鬪草又輸詩山桃溪杏栽俱活藥
 鑿漁竿動自隨家事猶令罷關白固應黜陟不
 曾知

村市醉歸

明時乞得水雲身白首扶衰又見春橫木門幽

謝來客獨轅車小避行人湘湖水長蕪絲滑蘭
 渚泥融箭茁新處處酒壚皆可醉不辭微雨墊
 吾巾

村夜

入春雨雪無休日雨止猶陰未快晴萬竅怒號
 風不定半輪斜照月微明百年辛苦農桑業五
 處睽離父子情但得平安已為幸孤燈殘火過

三更

時子虞調官行在子龍阻風西陵子修
 在閩子坦在海昌子與子布子適守舍

旅思

百病集殘骸閑遊且散懷
旅裝如遠役蔬食似
長齋買藥停山步求醫過縣街
春寒殊未已閉
戶夜然爇

對酒作

憑閣風吹帽穿林雨墊巾
相呼十日飲不負百
年身陌上金羈馬墳前石琢麟
於吾竟何有笑
殺武陵人

遊東村

露草衡門曉風松一場幽
新春有佳日老子得
閑遊鷗爲忘機下魚緣得計
浮歸途無遠近一
葉亂漁舟

晨起

老境真無事深居每畏人
喔咿雞失旦姪姘鳥
鳴春過擔餒餽白擎盤
粧新出門還可喜一
笑語比鄰

夢中作

世事何由可控搏故山歸臥有餘歡
澗泉見底藥根瘦石室生雲丹竈寒
人遠忽聞清獻起山開頻得異書看
一朝出赴安期約萬里煙霄駕紫鸞

春雨

片片紅梅落纖纖綠草生無端夜來雨
又礙出門行

又

春陰易成雨客病不禁寒又與梅花別
無因一

倚欄

又

胸懷阮步兵詩句謝宣城今夕俱參透
焚香聽雨聲

又

疎點空堦雨長明古殿燈廬山岑寂夜
我是定

中僧

村店

水汎輕搖檝山行穩跨驢朝晡半晴雨閭里雜
樵漁野鶩浮寒浦飢鴉集老樗店家看壞壁忽
見管年書

久雨薪炭食飲俱不繼戲作

澤國春饒雨書生老益貧固難誇練炭亦豈擇
勞薪鹽盡纔供葷醯微尚惱鄰人嗤信書誤癡

絕望常珍

溪上

偶就澄溪照幅巾蘭亭遺韻想清真功名不入
山林夢詩酒猶關老病身萬事只增思魯歎百
年常媿避秦人超然駢喜高情在手挈長條貫
細鱗

謝君寄一犁春雨圖求詩爲作絕句

說著功名我自羞喜君解劔換吳牛莫將江上

一犁雨輕博人間萬戶侯

又

老農雖瘠喜牛肥回首紅塵萬事非耕罷春蕪
天欲算小舟衝雨載犁歸

山林二月一日夜夢

夢裏遇奇士高樓酣且歌霸圖輕管樂王道探
丘軻大指如符券微瑕互琢磨相知殊恨晚所
得不勝多勝算觀天定精忠壓虜和真當起莘
渭何止復關河陣法參奇正戎旃相蕩摩覺來
空雨泣壯志已蹉跎

言金新晴

寂寂房櫳鳥雀聲熏籠茶竈正施行繁花滿樹
春纔半斜日穿雲雨乍晴引睡書橫猶在架圍
棋客散但空枰病懷莫道傷幽獨小榼芳醪手

自頃

又

挂冠湖上遂吾初，捫腹消搖適有餘。
 羨煮野蔬元足味，屋茨生草亦安居。
 市壚分熟通賒酒，鄰舍情深許借驢。
 更喜新晴滿窗日，籤題重整一牀書。

望永思陵

高帝中興萬物春，青衫曾忝綴廷紳。
 仕爲將相却常事，年及耄期能幾人。
 早幸執笏觀北伐，晚叨秉筆記東巡。
 歸時况復蒼梧近，鬱鬱葱葱佳

氣新

紹興未駕幸金陵游適在朝列淳熙未上命羣臣齊集文華閣修高宗實錄游首被

選

燈下小酌

江湖雙鬢禿，宇宙一身窮。
 酒浪搖輕碧，燈花落碎紅。
 交情元易見，春事半成空。
 尚覲身強健，煙畦擷芥菘。

春遊

杏花天氣喜新晴，白首書生樂太平。
 小陌鞦韆

雖隔世名園被禊尚關情山林自古流觴地絃
管誰家送酒聲莼菜鱖魚初滿市莫將羊酪敵
南烹

又

窮愁終日竟胡爲老健人間自一奇每駕柴車

遊古寺間騎竹馬伴羣兒登臨蘭渚流觴地

蘭亭

本名蕭散狐泉冷麤時練布單衣白羽扇路傍

人總道相宜

春日雜賦

羈懷病息正厭厭詩卷漁竿信手拈老境何嘗
忘一笑春風也解到窮閭殘花滿地無餘萼新
筍掀泥已露尖轉老轉窮君勿笑熊蹯魚腹豈
容兼

又

鬢毛八九已成霜此際逢春只自傷苦雨不容
花抵敵餘寒猶賴酒禁當退紅衣焙熏香冷古

錦詩囊覓句忙堪笑散人閑事業西窗容易又

斜陽

唐樂府云床上小
熏籠韶州新退紅

又

江湖放浪水雲人藥物枝梧夢幻身移竹南窗

初試筍掃花北陌旋成塵窮忙自笑常終日老

健猶能不負春未遂初心惟一事乞薪餘米隘

吾鄰

又

乞得身歸剡曲邊衡門茅舍共蕭然向來誤計

守書冊此日遣愁無酒錢俗客妬閑來袞袞流

年欺老去翩翩梨花楊柳清剛過且向江村剡

放顛

又

人生覓飯元多術最下方為祿代耕脫却朝衫

猶老健快如苦雨得春晴鳥聲頻喚兀更夢花

氣頓醒三日醒最喜晨興聞剝啄吾兒書札到

柴荆

悲歌行

讀書不能遂吾志屬文不能盡吾才遠遊方樂
歸太早大藥未就老已催結廬城南十里近柴
門正對湖山開有時野行桑下宿亦或慟哭中
途回檀公畫計三十六不如一篇歸去來紫駝
之峰玄熊掌不如飯豆羹芋魁腰間纍纍六相
印不如高臥鼻息轟春雷安得寶瑟五十弦爲
我寫盡無窮哀

梅市莫歸三山

日日蠻童佩一壺壺乾時亦復村酤橫林露墻
遠猶見暮靄籠山淡欲無綠浦例憑菰作界画
橫常遣鷺前驅此身元是滄浪客敢學高人乞
鏡湖

龜堂偶題

文章何物求渠力詩亦安能使汝窮春水一池

花百本此生未易報天公

又

細肋臥沙來左輔巨螯斫雪出東吳不知一飽
摩便腹得似茅檐薺糝無

泛湖

白鷺雙飛導我前自疑身是水中仙放舟漢客
樵風裏擲釣秦皇酒瓮邊山寺雲間傳講鼓漁
家浦口起炊煙箇中得意君知否買盡煙波不

用錢

